

社說

選論附

論各國對現時旅順之意見本社撰稿

可 權

甲午以後之旅順爲英俄對峙時代。俄人得志於北方。則可以控馭山東。而英人困守長江。不能越雷池一步。故疾起直追。租借威海以相抵制。當是時。中國政府德俄人代索滿洲之惠遠。以旅順相酬。而不念引鳩作醜。後患方殷。又不能拒英人均勢之謀。威海遂割。於是德法繼之。廣灣膠灣並駐雄師。是皆以俄租旅順爲一大動脈也。癸卯以後之旅順爲日俄對峙時代。俄人不據奉天。日本雖有窺伺滿洲之意。而無釁可乘。俄人雖據奉天。而不干涉北韓之政策。日本猶有取償之處。此可以開釁而不必開釁者也。惟夫豺狼之性。專慾無饜。得隴望蜀。著著進步。大張其防禦線於旅順。將使日本縮小範圍。永無吐氣北方之一日。苟非舍垢忍尤。不復知有羞恥之人類。未有不揮鐵血。衝礮火。角財力。賭生命。而一決勝負者也。是故自開戰以來。俄人之固守者。惟旅順。日本之奮擊者。惟旅順。始而仰攻。繼而堵塞。終而決鬪。兩國運命皆視旅順爲之強弱。而世界各國之重心亦交乘並集於此點。是又以日攻旅順爲一大動脈也。然則現時旅順在各國果具何等之意見乎。吾以爲推測之法有二。

社說

七十九

甲辰

則觀其已表著之意見。一則觀其未發明之意見。

已表著之意見若何。俄人既擾亂東方和平。則影響遂及於歐美。大有銅山西崩。洛鐘東應之勢。非但日本與之爲難也。而日本尤爲剝牀近災。其他或與俄同盟而利用之。或與日同盟而反抗之。卽在非同盟國。亦莫不未雨綢繆。以與時會相馳逐。此可歷歷指數者也。假使英人無助日之心。則有一威海衛。可以自固。何必更擾藏番。以圖牽掣俄人之肘臂乎。假使法人無助俄之心。則有一廣州灣。可以相持。何必更逼龍州。以謀對付日人之勝略乎。又英之助日者。其計緩法之助俄者。其計迫。故旅順圍困之時。法人卽於秦皇島樹立無線電桿。遙與俄之海軍潛通聲氣。蓋其去破壞中立不遠矣。英人於俄之波羅的艦隊。時時注意。屢飭土國阻之。不使得出地中海。亦恐驚旗東指。熊威復振。而旅順不易破滅也。此外則爲非同盟國。德畏俄而袒俄。美惡俄而袒日。故日戰俄而小勝。德人樂從之日戰俄而大勝。德人不願也。若使俄人竟失旅順。日人竟佔旅順。則德人滋懼矣。觀於近日德人狡謀不專恃一膠灣爲根據地。駸駸乎欲施其強硬手段於中國政府。而借鄱陽洞庭爲操練水師之場。此豈無所怵而然耶。美人自戰勝斐律賓後。一變其門羅主義爲帝國主義。已微有染指極東之意。特隔於強俄。未得一問之隙。不得不伏而俟之。今因日本之尋釁通國。皆爲之悚動。尤

可驚者在槍林礮雨之中。遽欲簡放領事。整理滿洲商務。雖其事卒不果行。亦足表見。背俄向日之感情矣。此各國對於現時旅順已表著之意見也。

未發明之意見。若何。此爲旅順失陷之問題。假令旅順失陷之後。俄人棄甲而走。日人整隊復前。而各國猶嚴守中立。弗干涉之。則日本挾其破竹之勢。陸軍直擣奉天。長驅以至於哈爾賓。更以其海軍劫海參崴。將如回復樺太會之所預計。豈不甚快。然而事變之來。必不能如人意之所期。吾意斯時。法人必先發難。法人一動。他人欲處於靜而勢不可得。黃海渤海之間。必有無數國之兵輪礮艦。驟然如飄風疾雨之并至。或翼日本而進之。或扶日本而退之。而日本海軍且落於旋渦之中。欲進不可。欲退不能。極東戰事必於此爲一大停頓。何以明其然也。今歐美各國艦隊駛入內海者。陸續不絕。而皆以觀戰爲名。使其無包藏禍心。則何爲齷集鱗萃如此。又何爲詭祕機警如此。且英美德德而外。更益以奧匈義比諸邦來者。無端去者。弗告則豈不可爲寒心耶。故知此等艦隊之用。不在戰事。告終之後。而在戰事方酣之時。吾以爲旅順失陷之日。卽應有可驚可駭之現象。震動世人之耳目矣。此各國對於現時旅順未發明之意見也。

夫各國之意見。旣變幻百出如此。然則逆計所以安頓旅順。竟爲誰家之物。謂其猶爲俄有。

乎。然已朝不保夕矣。謂其必爲日有乎。然此眈眈者伺於其旁。恐亦不能獨據矣。謂將開爲商港。使各國共有乎。然日本竭力經營。僅乃得之。雖有放滿洲爲公地之說。必不能洞開門戶。使外人縮其鎖鑰矣。無已其歸之中國乎。是有三善焉。俄人久假不歸。日本奪而還之。義也。日本宣戰之初。卽云不以中國土地爲利。今於旅順實行其言。信也。日本以旅順還中國。則可以全力戰俄。且免各國覬覦之心。智也。雖然尙有一難。卽中國能守與否。而不足爲患也。中國力足自守。固宜。還中國不能自守。日本助中國守之。亦宜。還是則各國無從置喙。而東方兩帝國之睦誼。乃益深矣。若夫中國酬報日本厚德。亦當稱情而予。俟後詳論。茲不暇及也。總而言之。甲午以後之旅順。爲白種人拓殖亞疆之局。癸卯以後之旅順。爲黃種人恢復海權之基。雖在中國猶在日本也。中國得旅順。可以兼得威海。併旅順。威海之勢力。可以轄制膠州灣。使德人不敢大肆。德靖則法亦孤矣。其機括甚切要也。若旅順留於日本。則難望英人之還威海。而德人亦挾其膠州灣。以共相雄長。在中國無險可守。振興固無可幾。倖而黃白種界之競爭。日激日烈。日本而欲保全東亞之和平。豈復以此爲長策哉。

論中國無國權 本社撰稿

新華

凡國家所以能自立於世界者。爲其有權也。凡權之所以能行於國家者。爲其有政體也。無